
OFFERYNNAU STATUDOL CYMRU

2012 Rhif 204 (Cy.34)

**GOFAL CYMDEITHASOL, CYMRU
Y GWASANAETH IECHYD GWLADOL, CYMRU
PLANT A PHOBL IFANC, CYMRU**

**Rheoliadau Timau Integredig Cymorth i Deuluoedd
(Swyddogaethau Cymorth i Deuluoedd) (Cymru) 2012**

<i>Gwnaed</i>	- - - -	30 Ionawr 2012
<i>Gosodwyd gerbron Cynulliad</i>		
<i>Cenedlaethol Cymru</i>	- -	31 Ionawr 2012
<i>Yn dod i rym</i>	- -	28 Chwefror 2012

Mae Gweinidogion Cymru, drwy arfer y pwerau a roddwyd gan adrannau 58(2) o Fesur Plant a Theuluoedd (Cymru) 2010(1), yn gwneud y Rheoliadau a ganlyn:

Enwi, cychwyn, dehongli a chymhwyso

1.—(1) Enw'r Rheoliadau hyn yw Rheoliadau Timau Integredig Cymorth i Deuluoedd (Swyddogaethau Cymorth i Deuluoedd) (Cymru) 2012 a deuant i rym ar 28 Chwefror 2012.

(2) Yn y Rheoliadau hyn—

ystyr “Mesur 2010” (“*the 2010 Measure*”) yw Mesur Plant a Theuluoedd (Cymru) 2010.

(3) Mae'r Rheoliadau hyn yn gymwys o ran yr ardaloedd hynny o Gymru y mae adran 57 (sefydlu timau integredig cymorth i deuluoedd) o Fesur 2010 wedi ei chychwyn mewn perthynas â hwy (2).

Swyddogaethau cymorth i deuluoedd

2. Mae'r swyddogaethau a nodir yn yr Atodlen wedi eu rhagnodi fel swyddogaethau cymorth i deuluoedd at ddibenion Rhan 3 o Fesur 2010.

Dirymu

3. Mae'r canlynol wedi eu dirymu—

(1) 2010 mccc 1. Mae adran 71 o Fesur 2010 yn diffinio ystyr “rhagnodi” a “rheoliadau” at ddibenion adran 58(2).
(2) Ar y dyddiad y caiff y Rheoliadau hyn eu dwyn i rym mae adran 57 o Fesur 2010 mewn grym mewn perthynas ag ardaloedd yr awdurdodau lleol a ganlyn: Merthyr Tudful, Casnewydd, Rhondda Cynon Taf, Wrecsam, Caerdydd a Bro Morgannwg.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

- (a) Rheoliadau Timau Integredig Cymorth i Deuluoedd (Swyddogaethau Cymorth i Deuluoedd) (Cymru) 2010(3); a
- (b) Rheoliadau Timau Integredig Cymorth i Deuluoedd (Swyddogaethau Cymorth i Deuluoedd) (Cymru) (Diwygio) 2011(4).

30 Ionawr 2012

Gwenda Thomas
Y Dirprwy Weinidog dros Blant a Gwasanaethau
Cymdeithasol o dan awdurdod y Gweinidog
dros Iechyd a Gwasanaethau Cymdeithasol, un o
Weinidogion Cymru

(3) O.S. 2010/1701 (Cy. 162).
(4) O.S. 2011/191 (Cy. 36).

YR ATODLEN

Rheoliad 2

Tabl 1

Swyddogaethau awdurdodau lleol mewn perthynas â phlant

<i>Y Swyddogaeth</i>	<i>Rhychwant</i>
a.2 o Ddeddf Cleifion Cronig a Phersonau Anabl 1970 (fel y bo'n gymwys drwy weithrediad a.28A o'r Ddeddf honno) (<i>Darparu Gwasanaethau Lles</i>)	I'r graddau y maent yn ymwneud â darparu gwasanaethau (gan gynnwys cymorth, cwnsela neu gefnogaeth) i blant sydd mewn angen (“in need”) at ddibenion adran 17 o Ddeddf Plant 1989 ac i'w teuluoedd, gan gynnwys cyflawni unrhyw asesiadau at y dibenion hynny.
a.117 o Ddeddf Iechyd Meddwl 1983 (<i>Ôl-ofal</i>)	
a.17 ac Atodlen 2, Rhan 1 o Ddeddf Plant 1989 (<i>Darparu gwasanaethau i blant mewn angen, eu teuluoedd ac eraill</i>)	
a.192(1) o Ddeddf y Gwasanaeth Iechyd Gwladol (Cymru) 2006 ac Atodlen 15 iddi (<i>Awdurdodau Gwasanaethau Cymdeithasol Lleol</i>)	

Tabl 2

Swyddogaethau awdurdodau lleol mewn perthynas ag oedolion

<i>Y Swyddogaeth</i>	<i>Rhychwant</i>
a.29 o Ddeddf Cymorth Gwladol 1948 a'r cyfarwyddiadau a wnaed odani (<i>Trefniadau lles</i>)	I'r graddau y maent yn ymwneud â darparu gwasanaethau (gan gynnwys cymorth, cwnsela neu gefnogaeth) neu gyfleusterau i hybu lles personau dros 18 oed sy'n gymwys i gael gwasanaethau o dan yr adrannau hynny am eu bod yn ddibynnol ar alcohol neu gyffuriau, yn ddiodefwr trais neu gamdriniaeth domestig, yn rhai a chanddynt hanes ymddygiad treisiol neu ymddygiad o gam-drin neu am eu bod yn rhai a chanddynt anhwylder meddwl, ac mae hyn yn cynnwys asesu'r angen am y gwasanaethau neu'r cyfleusterau hynny.
a.2 o Ddeddf Cleifion Cronig a Phersonau Anabl 1970 (<i>Darparu Gwasanaethau Lles</i>)	
a.117 o Ddeddf Iechyd Meddwl 1983 (<i>Ôl-ofal</i>)	
a.6 o Ddeddf Gofalwyr a Phlant Anabl 2000 (<i>Asesiadau: personau â chyfrifoldeb rhiant</i>)	
a.192(1) o Ddeddf y Gwasanaeth Iechyd Gwladol (Cymru) 2006 ac Atodlen 15 iddi (<i>Awdurdodau Gwasanaethau Cymdeithasol Lleol</i>)	

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Tabl 3

Swyddogaethau Bwrdd Iechyd Lleol mewn perthynas â phlant

<i>Y Swyddogaeth</i>	<i>Rhychwant</i>
a.117 o Ddeddf Iechyd Meddwl 1983 (<i>Ôl-ofal</i>)	I'r graddau y maent yn ymwneud â darparu gwasanaethau neu gyfleusterau iechyd i
a.82 o Ddeddf y Gwasanaeth Iechyd Gwladol 2006 (<i>Cydweithrediad rhwng cyrff GIG ac awdurdodau lleol</i>)	blant, neu â thrin plant, sydd mewn angen at ddibenion a.17 o Ddeddf Plant 1989 ac mae hyn yn cynnwys asesu'r angen am y cyfryw wasanaethau neu gyfleusterau.
a.1 o Ddeddf y Gwasanaeth Iechyd Gwladol (Cymru) 2006 (<i>Dyletswydd i hybu'r gwasanaeth iechyd</i>)	
a.2 o Ddeddf y Gwasanaeth Iechyd Gwladol (Cymru) 2006 (<i>Pwerau cyffredinol</i>)	
a.3(1) (c), (d), (e) ac (f) o Ddeddf y Gwasanaeth Iechyd Gwladol (Cymru) 2006 (<i>Darparu gwasanaethau penodol</i>)	
a.10(1), (2), (3), (4) a (5) o Ddeddf y Gwasanaeth Iechyd Gwladol (Cymru) 2006 (<i>Trefniadau gyda chyrff eraill</i>)	
a.38(6) o Ddeddf y Gwasanaeth Iechyd Gwladol (Cymru) 2006 (<i>Dyletswydd i roi ar gael wasanaethau a ddarperir gan berson sy'n cael ei gyflogi yn y gwasanaeth iechyd i alluogi awdurdodau lleol i gyflawni swyddogaethau</i>)	

Tabl 4

Swyddogaethau Bwrdd Iechyd Lleol mewn perthynas ag oedolion

<i>Y Swyddogaeth</i>	<i>Rhychwant</i>
a.117 o Ddeddf Iechyd Meddwl 1983 (<i>Ôl-ofal</i>)	I'r graddau y maent yn ymwneud â darparu gwasanaethau neu gyfleusterau iechyd ar gyfer personau, neu â thrin personau, sy'n ddibynnol ar alcohol neu gyffuriau, neu sy'n ddiodefwrwr trais neu gamdriniaeth domestig, sy'n rhai a chanddynt hanes ymddygiad treisiol neu ymddygiad o gam-drin neu'n rhai a chanddynt anhwylder meddwl, ac mae hyn yn cynnwys asesu'r angen am y cyfryw wasanaethau, cyfleusterau neu driniaeth.
a.82 o Ddeddf y Gwasanaeth Iechyd Gwladol 2006 (<i>Cydweithrediad rhwng cyrff GIG ac awdurdodau lleol</i>)	
a.1 o Ddeddf y Gwasanaeth Iechyd Gwladol (Cymru) 2006 (<i>Dyletswydd i hybu'r gwasanaeth iechyd</i>)	
a.2 o Ddeddf y Gwasanaeth Iechyd Gwladol (Cymru) 2006 (<i>Pwerau cyffredinol</i>)	

<i>Y Swyddogaeth</i>	<i>Rhychwant</i>
a.3(1) (c), (d), (e) ac (f) o Ddeddf y Gwasanaeth Iechyd Gwladol (Cymru) 2006 (<i>Darparu gwasanaethau penodol</i>)	
a.10(1), (2), (3), (4) a (5) o Ddeddf y Gwasanaeth Iechyd Gwladol (Cymru) 2006 (<i>Trefniadau â chyrrff eraill</i>)	
a.38(6) o Ddeddf y Gwasanaeth Iechyd Gwladol (Cymru) 2006 (<i>Dyletswydd i roi ar gael wasanaethau a ddarperir gan berson sy'n cael ei gyflogi yn y gwasanaeth iechyd i alluogi awdurdodau lleol i gyflawni swyddogaethau</i>)	

EXPLANATORY NOTE

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn nodi pa rai o swyddogaethau awdurdod lleol a swyddogaethau Bwrdd Iechyd Lleol sy'n "swyddogaethau cymorth i deuluoedd" at ddibenion adran 58 o Fesur Plant a Theuluoedd (Cymru) ("Mesur 2010"). Mae adran 57 o Fesur 2010 yn gwneud yn ofynnol bod awdurdodau lleol yn sefydlu un neu ragor o dimau integredig cymorth i deuluoedd ("ICiD") yn eu hardal ac yn gwneud yn ofynnol bod Bwrdd Iechyd Lleol yn cymryd rhan yn eu sefydlu. Nid yw'r timau ICiD yn endidau cyfreithiol ar wahân, ond maent yn dwyn yr awdurdod lleol a'r Bwrdd Iechyd Lleol at ei gilydd i gyflawni rhai swyddogaethau iechyd a gofal cymdeithasol, er mwyn rhoi sylw i faterion teuluoedd y ceir atgyfeirio'u hachosion atynt.

Mae'r Rheoliadau hyn yn gymwys i ardaloedd awdurdodau lleol y mae adran 57 wedi cael ei dwyn i rym mewn perthynas â hwy ac y mae ganddynt ddyletswydd i sefydlu tîm ICiD. Ar y dyddiad y caiff y Rheoliadau hyn eu dwyn i rym mae adran 57 mewn grym mewn perthynas ag ardaloedd yr awdurdodau lleol a ganlyn: Merthyr Tudful, Casnewydd, Rhondda Cynon Taf, Wrecsam, Caerdydd a Bro Morgannwg (gweler Gorchymyn Mesur Plant a Theuluoedd (Cymru) 2010 (Cychwyn) 2010 a Gorchymyn Mesur Plant a Theuluoedd (Cymru) 2010 (Cychwyn Rhif 4) 2012).

Mae adran 58(2) o Fesur 2010 yn caniatáu i Weinidogion Cymru ragnodi rhai swyddogaethau gwasanaethau cymdeithasol awdurdod lleol a rhai swyddogaethau Bwrdd Iechyd Lleol neu Ymddiriedolaeth GIG fel "swyddogaethau cymorth i deuluoedd". Rhaid i awdurdod lleol, gyda chydysniad y Bwrdd Iechyd Lleol sy'n cymryd rhan, benderfynu pa rai o "swyddogaethau cymorth i deuluoedd" yr awdurdod ei hun a'r Bwrdd Iechyd Lleol i'w dosbarthu i'r tîm ICiD.

Mae is-adrannau (5) i (8) o adran 58 yn nodi'r mathau penodol o achosion y caiff awdurdod lleol eu cyfeirio at dîm ICiD. Mae'r swyddogaethau statudol a nodwyd yn gymwys yn ehangach nag y gallai fod yn ofynnol yn y mathau o achos o dan sylw, ac felly mae'r tablau yn yr Atodlen i'r Rheoliadau hyn yn cynnwys testun sy'n cyfyngu'r ffocws i'r maes perthnasol.

Mae adran 58(12) o Fesur 2010 yn darparu y bydd swyddogaethau sydd wedi eu rhagnodi fel "swyddogaethau cymorth i deuluoedd" ac wedi eu dosbarthu i dîm ICiD yn parhau i gael eu harfer gan yr awdurdod lleol a Bwrdd Iechyd Lleol y tu allan i'r tîm, yn ogystal â chael eu cyflawni o fewn y tîm.

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

Mae'r Rheoliadau hyn yn dirymu Rheoliadau Timau Integredig Cymorth i Deuluoedd (Swyddogaethau Cymorth i Deuluoedd) (Cymru) 2010 (O.S. 2010/1701) (Cy.162).

Ystyriwyd Cod Ymarfer Gweinidogion Cymru ar wneud Asesiadau Effaith Rheoleiddiol mewn perthynas â'r Rheoliadau hyn. O ganlyniad, mae asesiad effaith rheoleiddiol wedi ei baratoi ynglŷn â chostau a manteision tebygol cydymffurfio â'r Rheoliadau hyn. Gellir cael copi gan y Gyfarwyddiaeth Iechyd, Gwasanaethau Cymdeithasol a Phlant, Llywodraeth Cymru, Parc Cathays, Caerdydd, CF10 3NQ.